


Sel Prestuhn Henry B. Eyring

Mwet in Kahsruh Se Met ke
Prestuhnsi Se Met



Olwelah ke Insiyac uh Forlah

Ninac kiyuck, Mildred Bennion Eyring, el kapka-pwack ke mura in imac se fin acn Granger, Utah, USA. Sie sin tamuhlwel wiyacl ah, Roy, el ukwe orekma luhn sucu uh ke tuhfaflah sip. In oacna sie mukul fuhsr el sislah wik pucspucs som nuh sahyac. Kais kuhtuh na srihkweni kena lal ke Alu uh. Tok kuhtuh el mukwilac nuh Idaho, USA, pahyuckyak, ac tuhlihk tolu nahtuh. El misac ke el yac 34 ke muhtwacn kiyacl ah matwac yac 28 ac tuhlihk nahtuhlos ah arlac srihk.

Finne sucu srihsrihk se lal Roy ah muhta fin acn Idaho ac ninac kiyuck ah som mael 2,500 (4,025 km) nuh New Jersey, USA, el kwacna suhmuhslah lwacta in luhngse ac ahkkweyeyuck nuh selos. Sucu luhn uncle se luhk ah luhngse na pahngon ninac kiyuck ah “Aunt Mid.”

Yac pucspucs somlah ah, ac sie lwen ah nga topuk sie tacluhfon tuhkuh sin sie kuhsin luhk ah. Fwackyuck nuh sihk lah katinmas se kiyacl Roy ah misac. Kuhsin se luhk ah fahk, “Aunt Mid el kena kom in etuh.” Aunt Mid el misac ke pacl loeloes somlah ah, tuhsruhkuh sucu uh srwackna puhla luhngse lal ac kena in fahk nuh sihk.

Nga lut ke luhpan kunohkohn ninac kiyuck ah ahkfalyelah ke sucu lal oacna nuh ke kunohkohn luhn mwet pahluh luhn Mwet Nephi ahkfalyelah ke sucu lalos in fototo nuh sin sucu elos kena in use nuh ke wosasuc luhn Jisus Kraist. Nephi el suhmuhslah sie ma sihmlac ma el fin-srakkihn in moklweack tuhlihk nuhtin tamuhlwel wiyacl in fohlohk nuh ke luhlalfongi luhn patriarch lalos, Lehi.

Wen nahtuhl Mosiah ah ahkkahlwemye pacna luhngse se ingacn ke elos luti wosasuc nuh sin usru lal Lehi.

Leum El orwaclah inkacnek nuh sesr in puhla luhngse in sucu uh ma kuh in tuhtahflah ne tok. Mwet fuhsr ke Alu uh mihsenge puhla insiyaclos forlah nuh sin sucu lalos uh. Elos suk inen mwet ke sucu lalos an suc wacngihn pacl wowo la in eis akwuck ke molwelah ke moul se inge. Elos us ine ingacn nuh tempuhl. Ke elos utyak nuh ke kof in pacptais an, elos eis pacl wowo in puhla luhngse luhn Leum ac mwet ke sucu ma elos oruh akwuck kacn mwet sahyac uh.

Nga kuh in srwackna esam luhngse ke puhsrwen kuh-sin luhk suc pahng ac fahk, “Ninac kiyacsr ah misac, ac Aunt Mid el kena kom in etuh.”

Kuhtuh suwos suc oruh akwuck nuh sin mwet ke sucu an kahsruh ke luhngse, oacna ke wen nahtuhl Mosiah ac mwet pahluh Nephi oruh ah. Oacna elos, kowos fah puhla engan nuh selos suc lwelah kahsruh lowos an. Kowos oacyacpac kuh in puhla kain puhla wo sacn pacna oacna Ammon, suc fahk ke kuhlhwacnsap in misineri lal inmahsr-lon mwet ke sucu loes an:

Ke ma inge, lwelah kuht in kaksyak, ahok, kuht fah kaksakihn Leum; ahok, kuht fah engan, tuh engan lasr fohnlah; ahok, kuht fah kaksakihn God lasr ne tok ma pahtpaht. Liye, suc kuh in arulacna kaksakihn yohk in Leum? Ahok, suc kuh in fahk upac ke kuh yohk Lal, ac ke pahkotwen Lal, ac ke mongfihsracsr Lal nuh sin tuhlihk

nuhtin mwet uh? Liye, nga fahk nuh suwos, nga tiac kuh in fahk kihtin ma se emet ke ma nga puhlakihn (liye Alma 26:16).

Nga oruh fahkwack luhlahlfongi lah puhla ke luhngse lowos nuh sin mwet ke sucu lowos an—oacna sie acn elos oasr we—pa sie ahkfalyeyucklac ke olwelah ma Elijah el fah tuhkuh. El tuhkuh sruhk. Insiyacn tuhlihk uh forlah nuh sin pahpah tuhmwaclos, ac insiyacn pahpah uh forlah nuh sin tuhlihk nahtuhlos (liye Malachi 4:5–6; Joseph Smith—History 1:38–39). Ke kom puhla pahtokyuck in sokwack inen mwet mahtuh lom an ac uslah ine ingacn nuh tempuhl, kom puhlakihn ahkfalyeyucklac luhn palyeyuck sacn.

Sie mwe insewowo in moul ke pacl ma olwelah ke inse forlah uh ahkfalyeyucklac. Mildred Bennion Eyring el puhla pahtokyuck se ingacn ke insiyacl. El luhngse sucu luhn tamuhlwel lal, ac el loh nuh selos. Elos puhla insiyaclos forlah ke luhngse nuh sel Aunt Mid ke srihpen elos etuh lah el luhngse elos.

LUTI KE PWENG SE INGE

Kom ac kena in riti palyeyuck ke nguhn lal Elijah yurin mwet kom muhtwacta yohroh an (liye Malachi 4:5–6; Joseph Smith—History 1:38–39). Sramsramkihn inkacnek in kahsrh ke sramsram mahtuh luhn sucu, weacng kuhfa ma oacna sihmihs ine, petsac, ac blog. Fin mwet kom muhtwacta yohroh an nihkihn kac FamilySearch.org, nuhnkuh in eis kuhtuh pacl in ahkahlwemye nuh selos.

MWET FUHSR

Srihke in Etuh Ninac Mahtuh Kiyuck ah

Sel Jewelene Carter

Ke sie sin project kunuck ke Muhtwacn Fuhsr ah, nga eisuyucyang in kahsrh ninac kiyac pahpah ah in sokwack mwet mahtuh lal ke sukyacn pwepuh

ke microfilm ke family history center fin acn Mesa, Arizona, USA. Ke nga el tuhkweni pihtucki ac suk ke sucu lasr ah, nga muhtwacwacack in nuhnkuh: “Yac nga etuh na pwacye ke ninac mahtuh kiyuck suc muhta siskuck inge?”

Nga sokwack mwet puhkantwen ke sucu uh, ahkollah koanon mwe etuh kwaclos, ac som nuh Tempuhl Mesa Arizona in orwacalah pacptais ac ahkkweyeyucklac lalos. Tiac paht tohkoh, ninac mahtuh se kiyuck ah use nuh sihk sie un pwepuh ke sramsram mahtuh luhn sucu lal ah.

Ke srihpen el kweokkihn fahfiyen kuhpahsr kacl, arulacna ngal nuh sin ninac mahtuh kiyuck an in taip. Nga engan in kahsrwel ke computer ah. Kuht, tuhkweni suhmuhslah sramsram ke moul lal nuh ke ma wo nguhnnguhn luhn sucu lasr uh. Nga luhngse in oruh sie ip ke moul lal ac luti yohk ke ma mahtuh luhn Alu uh ke kuht tuhkweni orekma ke project inge.

Mwet sihm se muhta fin acn Virginia, USA.

TUHLIHK SRIHSRIHK

Love at Home

*Kuhsrao kuhlwacng isrwacsr lucng
Ke oasr luhngse lohm ah;
Facruh nohfohn sesseslah ke luhngse
Ke oasr luhngse lohm ah.*

(“Love at Home,” *Hymns*, no. 294)

Pahpah Lucng El kena kuht in luhngse sucu lasr kuht in muh kuh in engan. Kuht fin kuhlwacnsapuh sucu lasr yohk, kuht ac fah luhngse Pahpah Lucng ac mwet ke sucu lasr yohk pac.

Srolwacalah heart an ke sie ipin pwepuh an ac suhpuklah. Suhmuhslah kahs in engan kuh srolwacalah petsac fac an ac lukmacelah nuh sin mwet ke sucu lom an. Liye luhpan engan ma ma ingacn ac oruh nuh selos!



Misin Muhtahl luhn Jisus Kraist: Mwet Iwe

Luhlalfongi, Sucu, Kahsruh

Pruhe in lutlutkihn kuhfa inge ac suk in etuh ma in akacsruhi kac. Etuh mouh uh ac misin luhn Mwet Lahngo ac ahkyohkye fuhkah kuh in luhlalfongi lom Kacl ac ahkinsewowoye mwet kom liyacacng ke forfor luti uh? Nuh ke kuhtuh pac ma in etuh, som nuh ke relief society.lds.org.

Pa inge ip se ke Pweng ke Forfor Luti ma liyeyuck ke ma nuh kwewa ke misin luhn Mwet Lahngo.

Jisus Kraist pa Mwet Iwe lasr nuh sin Pahpah. Kahs se *mwet iwe* oasr okan kalmeyac nuh Latin “sie mwet suc ngihstre kacn mwet sahyac.”¹ Mwet Lahngo El ngihstre sesr, orekmakihn etuh, nuhnuhkuh, ac pahkotwen. Etuh ke ma inge kuh in nwekkuhtlac ke luhngse ac tarilacna nuh ke Iwacлах Lal.

“Porongo [Jisus Kraist] suc pa mwet iwe yurin Pahpah, suc ngihstre keim ye muhtahl—

“Fahk: Pahpah, liye kweok ac misac lal suc tiac oruh ma koluk, ke el suc kom luhngkihn; liye srahn Wen nuhtum ma kahklah, srahl suc kom sang tuh kom sifacna kuh in ahkfuhlwactyeyuck;

Ohinge, Pahpah, karuhnganwacng tamuhlwel wiyuck inge ma luhlalfongi ke inek, tuh elos in kuh in tuhkuh nuh Yuruk ac eis mouh ma pahpaht (liye D&C 45:3–5).

Ke Kraist El oacna Mwet Iwe lasr, Elder D. Todd Christofferson ke U luhn Mwet Sap Singucul Luo ah fahk: “Arulacna yohk srihpac nuh

sihk, tuh ke oacna sie pac lac ke kuhtwena ohiyac nga in oreklac ke pruhe sie siah luhn wolacna, ma Pahpah Inkuhsrao tuhmuhk El fah lohng nguhsr luhk, lah Mwet Iwe luhk, El suc tiac oruh ma koluk, suc srahl kahklah, fah ngihstre keik.”²

Ke Ma Suhmuhsrah uh

Mosiah 15:8–9; Moroni 7:28; Doctrine and Covenants 29:5; 110:4

Ke Sramsram Mahtuh Lasr

Ke sramsram mahtuh luhn Alu luhn Leum, muhtwacn tuhma lutlut luhn Jisus Kraist ukwe srihkasrak Lal. Esther el sie mwet iwe luhlalfongi yohk ac puhlaik. Mordecai kuhsin se lal el suhpwacлах sie mwe fahkwack sihmlac lal tohkohsrah ma sapkihnyuck in sikiyucklac mwet Jew, ac siyuck elan “utyak nuh yohrohl [tohkohsrah] ac kwacfe sel elan nuhnak muhnahs nuh sin mwet lal.” El fahk pac: “Na suc etuh, sahp ma na orek tuh kom in kasralac nuh ke pacl se inge?” (Esther 4:8, 14.)

Sahyacn mwe sensen in sie mwet iwe nuh sin mwet lal, Esther el

insese: “Nga fah som nuh yohrohl tohkohsrah, finne lain masap: Nga fin oruh tuh misac, na nga misac” (Esther 4:16).

Na Esther el kahskahs kuhlwacng nuh sel tohkohsrah ac “faksucfi sissen niyacl tohkohsrah, tuhng ac kwacfe sel . . . in sikuclyac pwacpa suhlal . . . in lain mwet Jew.” El fahk pac, “Nga ac muhtwacnglah fuhkah ma koluk luhlalp se nuh fin mwet luhk inge?” (liye Esther 8:3, 5–6). Insiyacl tohkohsrah fihsracsrlah, ac el sang nguhsr lal.³

MWE KAHSRUH

1. Liye Russell M. Nelson, “Jesus Christ—Our Master and More” (Brigham Young University fireside, Fepweri 2, 1992), 4; speeches.byu.edu.
2. D. Todd Christofferson, “I Know in Whom I Have Trusted,” *Ensign*, Mei 1993, 83.
3. Liye pac *Daughters in My Kingdom: The History and Work of Relief Society* (2011), 180.

Nuhnkuh Ma Inge

Iwe luhn Jisus Kraist kuh in mogle kuht fuhkah in tahfwelah pahkotwen ac nuhnak muhnahs nuh sin mwet sahyac uh?